

## 2012-imiit 2020-mut ilinniartunut inissat

### Ilinniartut

- 2020-mi ukiumut ilinniartut 773-iusimapput. 2019-imut sanilliullugu 4 pct.-inik amerlanerupput. Taamaattumik 2012-imut sanilliullugu 177-inik ikinnerupput.
- Ilinniartut 26 pct.-ii sanaartornermik suliffeqarfinni ilinniartuupput amerlanerpaajullutik, niuerneramik suliffeqarfiit (20 pct.) aamma pisortat allaffii kiffartuusiviilu (21 pct.) ilinniartuutaasa amerlanerpaat tullerigaat. Suliffeqarfiit niuerneramik suliaqartut aamma sanaartornermik sanaartorfigissaanermillu suliaqartut sulisui ilinniarsimasut eqqarsaatigalugit ilinniartoqarnerpaajupput, tassa sulisut ilinniarsimasut 100-ugaangata 22-nik aamma 20-nik ilinniartoqaramik. Suliaqarfiit tamaasa isialugit agguaqatigiissillugit ukiumut 10-nik ilinniartoqartarput.
- Ukiut kingullit tallimat ingerlanerini ilinniartut ukioqqortunerulersimapput. 2012-imi ilinniartut 25-t ataallugit ukiullit 60 pct.-iusimapput. 2020-mi 40 pct.-iinnanngorsimallutik.


### Nassuiaat

Ilinniartunut inissanut tunngasut kisitsisitigut paasissutissani taamaallaat inuussutissarsionermik ilinniartut pineqarput, ilinniartunut tapisisartut kisimik pineqarlutik. Ilinniagaqarnermusisartut ilanngunneqanngillat. Tassunga tunngasunik paasisaqarnerorusukkuut immikkoortoq periaatsimut tunngasoq atuarsinnaavat.

Saqqummersitami taaguut ” ilinniartut ukiumut” atorneqarpoq. Ilinniartoq ukiumut tassaavoq ilinniartoq qaammatini 12-imi. Ilinniartoq ataaseq qaammatini 12-imi ilinniartuusinnaavoq imaluunniit ilinniartut marluk qaammatini 6-imi.

2020-mi ukiumut ilinniartut 773-iusimapput 2020-mi ukiumut ilinniartut 773-iupput. 2019-imut sanilliullugu 4 pct.-inik ikannerupput. Ilinniartut ukiumut 2012-imut sanilliullugit 177-inik ikinnerupput. 2015-ip tungaanut ilinniartut ikilinerpaasimapput. 2017-imi ukiup affaani kingullermi ilinniartut amerleriarneri 2017-imi ilinniartunut amerlisitsinnikooriarlutik, 2018-mi ukioq tamakkerlugu ikiliaallapput.

## Titartagaq 1. Ilinniartut qaammatikkaarlugit amerlassusaat, 2012-2020



Najoqqutaq: Naatsorsueqqissaartarfik- kisitsisit Kisitsisaataasivimmi takuneqarsinnaapput (<https://bank.stat.gl/UDNLBR>).

### Sanaartormik suliaqartut aamma sanaartorfigissaanermik suliaqartut ilinniartoqarnerupput

Sanaartormik suliaqartut aamma sanaartorfigissaanermik suliaqartut 2020-mi ilinniartut 26 pct.-iinik ilinniartuuteqarput, niuernermik suliffeqarfiit aamma pisortat allaffii kiffartuusiviilu tulliullutik. Suliaqarfiit taakku ilinniartut 66 pct.-iinik ilinniartoqarput.

Niuernermik suliffeqarfiit ilinniartui ikilinerpaasimapput, 2012-imiit 2020-mut 78-inik ikilismagamik. 2012-imiit 2020-mut suliffeqarfiit ilinniartui amerlinerpaajusimasut tassaapput aalisarnermik suliaqartut, piniarnermik suliaqartut aamma nunalerinermik suliaqartut, taakkunani ilinniartut 20-nik amerlismapput. Ilinniartut ikilismagaluartut aalisarnermik, piniarnermik aamma nunalerinermik suliffeqarfiini ilinniartut amerlatsissimapput.

**Tabel 1: Ukiumut ilinniartut suliffeqarfinnut immikkoortillugit, 2012, 2016 aamma 2020**

	2012		2016		2020	
	Amerlas-susaat inngorlugu	Pct. -	Amerlas-susaat inngorlugu	Pct. -	Amerlas-susaat inngorlugu	Pct. -
Aalisarnej, aalisakkanik tunisassiornej niuernerlu	11	1	23*	3	31	4
Aatsitassiornej	7	1	3	0	4	1
Atortussiornej	14	1	9	1	7	1
Innaallagiamik imermillu pilersuineq	16	2	15	2	28	4
Sanaartorneq	227	24	198	27	199	26
Niuertunik pilersuineq atugassanillu nioqquteqarneq	235	25	159	21	157	20
Assartuineq assartugassalerinerlu	114	12	72	10	91	12
Akunnittarfiit neriniartarfillu	53	3	19	3	18	2
Paasisutissalerineq attaveqaatilerinerlu	40	4	42	6	24	3
Aningaaseriviit, aningaasaliisarfiit sillimmasiisarfiillu	8	1	6	1	3	0
Innissianik attartortitsinerit sullissinerillu allat	32	3	13	2	12	2
Namminersortunit, ilisimatusarnikkut teknikkikkullu suliaqartunit kiffartuussinerit	1	0	2	0	5	1
Allaffissornikkut kiffartuussinerit	6	1	3	0	11	1
Pisortat allaffissomerat	180	19	159	22	165	21
Kiffartuussinerit allat	28	3	15	2	13	2
Paasisutissaqanngitsut	-	-	1	-	8	1
<b>Katillugit</b>	<b>950</b>		<b>739</b>		<b>773</b>	

\*28.06.2021-mi kisitsit iluarsineqarpoq

Najoqqutaq: Naatsorsueqqissaartarfik – kisitsit kisitsisaataasivimmi takuneqarsinnaapput (<https://bank.stat.gl/UDNLBR>).

### **Ilinniartut amerlassusaat – nassuiaaneq**

Suliffeqarfik ilinniartuuteqassaguni suliamut tunngasunik ilinniarsimasunik ilinniartumut ilinniartiissinnaasunik sulisoqassaaq. Suliffeqarfiit suliaat tunngavigalugit ilinniartunik tiguisartut amerlassusaat iluamik takutinniarlugu sulisut ilinniarsimasut amerlassusaat ilinniartut amerlassusaanut sanilliunneqassapput.


Ilinniartut sulisut ilinniarsimasut 100-ugangata amerlassusaat naatsorsuutigineqarpoq. Ilinniartut inuussutissarsiut ilinniagaat apeqqutaatinnagu suliffeqarfiit ilinniartuutillit suliaat suunersut pineqarput. Kisitsisinik nutaanernik suli piareersimasoqannginnera pissutaalluni suliffeqarneq pillugu paasisutissat 2019-imeersut ilinniartut amerlassusaat naatsorsorneqarput.

## Ilinniartutik naammassitut amerlanerit sanaartormik ilinniagaqarput

2012-imiit 2019-imi agguaqatigiissillugu ilinniartut amerlassusaat 15-iniit 10-inut ikilimapput. Suliffeqarfinnut sulisut ilinniarsimasut amerlanerulersimapput ilinniartunut sanilliullugit. Taamaattumik 2012-imut sanilliullugu suliffeqarfinni ilinniartut ikilimanerinit sulisut ilinniarsimasut ikilimanerinit pissuteqanngilaq.

2019-imi suliffeqarfiit sanaartormik suliaqartut aamma suliffeqarfiit niuertunik pilersuisut atugassanillu nioqquteqartut amerlanerpaanik ilinniartuuteqarsimapput. Taamanikkut sulisut ilinniarsimasut 100-ugaangata ilinniartut 22-usarsimapput aamma 20-usarsimapput.

### Titartagaq 2. Suliaqarfiit akornanni ilinniartut amerlassusaat, 2012 aamma 2019



Nassuiaat: Ilinniartut amerlassusaat, sulisut ilinniarsimasut 100-inut ilinniartut amerlassusaat.

Najoqqutaq: Naatsorsueqqissaartarfik - nammeneq naatsorsukkat (<https://bank.stat.gl/UDNLBR> aamma <https://bank.stat.gl/ARNBFB8>).

## Ilinniartut ukioqqortusiartorput

2020-mi ilinniartut amerlanersaat tassa 63 pct.-ii 20-niit 29-inut ukioqarput. Ikittuinnaat 20-t ataallugit ukioqarput. 2012-imili ilinniartut ukioqqortusiartorput. 2012-imi ilinniartut 60 pct.-ii 25-t ataallugit ukioqartut 2020-mi ilinniartut 40 pct.-imut apparsimapput. Ilinniartut 25-iniit 34-inut ukiullit amerlinerusimapput. Tamanna ilutigalugu innuttaasut akornanni inuusuttuaqqat ikilipput, ilinniartulli ikilinerisut ikilitiginngillat.

**Tabel 2. Ilinniartut ukiuinut immikkoortillugit, 2012-2020**

	2012	2013	2014	2015	2016	2017	2018	2019	2020
	Pct.								
< ukiut 20	14	9	8	7	9	9	9	8	9
Ukiut 20-24	46	48	46	40	37	35	33	32	32
Ukiut 25-29	24	26	27	30	29	30	31	31	32
Ukiut 30-34	9	10	11	13	15	14	13	15	14
Ukiut 35-39	3	3	4	5	6	5	6	8	8
40->	4	5	5	5	6	6	7	6	6

Najoqqutaq: Naatsorsueqjissaartarfik – nammineq naatsorsukkat (<https://bank.stat.gl/UDNLBR> aamma <https://bank.stat.gl/ARNBFB8>)

## Periaaseq

### Siunertaq

Inuussutissarsiummik ilinniarsiit amerlanersaat aallartiffigineqarsinnaapput taamaallaat ilinniarnermi suliffimmik misiliffissamik nassaarsimasunit. Taamaattumik inuussutissarsiummik ilinnialersut amerlassusaanut ilinniarluni suliffissat apequtaasorujussuupput. Ilinniartunut inissat pillugit kisitsisitigut paasissutissat inuussutissarsiornermik ilinniartunut kisitsisitigut paasissutissat saniatigut paasissutissiineruvoq. Kisitsisitigut paasissutissani suliffeqarfiit suliaqarfiini ilinniartut agguataarsimani aamma takuneqarsinnaavoq.

### Datat tunngavigineqartut

Ilinniagaqarnersiuteqartitsivimmit ilinniartunut tapit tunngavigalugit kisitsisitigut paasissutissat suliarineqarput. Ilinniartumut ataatsimut qaammammut ataasiarluni suliffeqarfiit tapisarput. Aningaasaqarnermut inatsimmut ilanngunneqartarput ilinniartunut tapisiat qanoq annertugitinissaat (takuuk konto pingaarneq 40.02.06, Ilinniarnermi tapiissutit meeqqanullu tapit) ilinniarsiit suuneri ukiullu ilinniarsiit apequtaallutik tapit assigiinneq ajorput.

Ilinniartut INULI-mi KTI-milu sungiusarlutik suliffissarsinnaanngikkunik ilinniarsimmiutigalutik sungiusarsinnaapput. Ilinniartut ilinniarsimmiutigalutik sungiusartut allaaserisami uani ilaanngillat.

## Periaaseq

Ilinniartunut tapisiat tunngavigalugit ilinniartunut inissat qaammatikkaarlugit naatsorsorneqartarput. Ukiup ingerlanerani kukkusumik ilinniartunut tapisit aamma ilinniartunut tapisinngitsoortut ukiup tulliani marsimi iluarsineqartarput.

Kalaallit Nunaanni suliffeqarfiit Det Centrale Virksomhedsregisterimi (CVR) 1. januar 2018-imiit nalunaarsugaapput. Suliffeqarfiit sunik suliaqarneri tassani allaqqapput branchelersueriaaseq nutartigaq DB07 atorlugu. Siornatigut Kalaallit Nunaanni Inuussutissarsiummik Ingerlataqartunik Nalunaarsuiffik (IIN) atorlugu suliffeqarfiit sunik suliaqarnerinut immikkoortiterneqarput, branchelersueriaasitoq GB2000-mik

taaneqartartoq atorlugu. Branchinut tunngassuteqartut saqqummersitami uani kingumoortumik iluarsaanneqarput.

Ilinniarnermut atatillugu sulinermut atassuserniarlugu ilinniartunut tapisiat pillugit paasissutissat ilinniagaqarnersiuteqartitsivimmit paasissutissanut taputartuullugit suliarineqarput,

### **Naatsorsuineq**

Ilinniartut pilluigit naatsorsuutit qaammatikkaarlugit, suliarineqarput suliffeqarfiiit suliaqarfiinut, ilinniarfinnut (ISCED Fields of Education 2013) aamma distriktinut (kommuniusimasunut) immikkoortillugit. Tabelit tamarmik suaassutsinik aamma ukioqqortussutsinik immikkoortitsiviusinnaapput.

### **Ajoqutit aamma ilanngutinngitsuukkat**

Kisitsisitigut paasissutissanut ilinniartut suliffeqarfii ilinniartumut tapisisartut taamaallaat ilanngunneqarput. Inuussutissarsiummik ilinniartut ilinniarnermi suliffigisaat kisimik ilinniartunut tapisisarpur. Taamaattoqarnera pissutaalluni ilinniartut uku kisitsisitigut paasissutissanut ilaanngillat:

- Ilinniartut inersimasut
- Ilinniartut ilinniagaqarnermusisartut, ass. inulerinermik suliaqartut, ulluunerani neqeroorutini ikiortit aamma peqqissaannermik ikiortit
- Ilinniartut ilinniarfimmi suliffimmik misiliisut
- Ilinniaqittut suliffimmik misiliisut, ass. Akademimik ilinniagallit

---

Ilisamaatinut nassuiaatit  
... Paasissutissat pigineqanngillat  
.. Paasissutissat tatiginanngitsut ilisarinnilersitsisinnaasulluunniit  
. Kisitsisitaqarsinnaanngitsut  
0 Affaanit mikinerusut  
- Nul  
\* Kisitsisaagallartut imaluunniit missingersuut

Saaffissaq  
Emil Malta  
E-mail: [emim@stat.gl](mailto:emim@stat.gl)

Ilinniartitaaneq

Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

